



JAVNO PREDUZEĆE  
ŠUMSKO PRIVREDNO DRUŠTVO  
ZENIČKO - DOBOJSKOG KANTONA  
d.o.o. ZAVIDOVIĆI

JP "ŠPD ZDK" d.o.o. Zavidovići

Upisano u Registar Kantonalnog suda u Zenici pod  
brojem I-9014, Rješenje br. U/I 916/04  
ID broj: 4218431050005  
PDV Broj: 218431050005 Por. br.: 05072148  
Transakcijski računi:  
Union banka d.d. Sarajevo 1020320000013296  
ASA Banka d.d. Sarajevo 1340300000062287  
Unicredit Bank d.d Mostar 3384202214508407  
Raiffeisen BANK d.d BiH 1610550016400016

Broj: 03- 4956-1 /21

Dana, 13.10. 2021. godine

Na osnovu članova 4. i 8. Uredbe o postupku prijema u radni odnos u javnom sektoru u Zeničko-dobojskom kantonu ("Službene novine Zeničko-dobojskog kantona" broj: 8/19, 6/20 i 19/20), članova 2. i 6. Pravilnika o radu Javnog preduzeća "Šumsko-privredno društvo Zeničko-dobojskog kantona" d.o.o. Zavidovići – prečišćeni tekst, te na osnovu Odluke o potrebi prijema u radni odnos na određeno vrijeme broj: 03-4956 /21 od 12.10.2021. godine raspisuje se:

### JAVNI OGLAS za prijem u radni odnos na određeno radno vrijeme

1. POSLOVNA JEDINICA „ŠUMARIJA“ VAREŠ
  - 1.1. Sjekač-radnik u šumarstvu - 4 izvršioca
  - 1.2. Radnik u šumarstvu - 6 izvršilaca
  - 1.3. Vozač zglobnog traktora-radnik u šumarstvu - 2 izvršioca
2. POSLOVNA JEDINICA „ŠUMARIJA“ ZENICA
  - 2.1. Administrator-referent za obračun plaće - 1 izvršilac
3. POSLOVNA JEDINICA „ŠUMARIJA“ ŽEPČE
  - 3.1. Projektant u šumarstvu - 1 izvršilac

#### OPISI POSLOVA RADNIH MJESTA I PROPISANI POSEBNI USLOVI:

1.1. **Sjekač- radnik u šumarstvu:** rukuje motornom pilom, istu čisti i održava, snabdijeva gorivom i mazivom, oštri lanac, određuje smjer rušenja stabla, zasijeca, reže (pila) i obara stablo, kreše deblje grane, kroji i izrađuje drvene sortimente u skladu sa standardom, guli koru, kreše grane sjekirom, cijepa i slaže sortimente, nosi motornu pilu u sječinu, nosi gorivo i mazivo, vrši doradu drvnih sortimenata na stovarištima, prerezivanje sortimenata prilikom otpreme kupcima, vrši izradu štila za sjekire i capine, uspostavlja šumski red, a po potrebi vrši lifranje, primjenjuje propise zaštite na radu, u slučajevima zastoja (kvar motorne pile i sl.) dužim od dva dana obavlja poslove radnika u šumarstvu, obavlja i druge poslove po nalogu neposrednog rukovodioca.

Za obavljanje poslova ovog radnog mjesta osnovna plaća iznosi **774,86 KM**

#### Posebni uslovi:

- SSS/KV-III/PKV/NK, potvrda/uvjerenje o osposobljenosti za rad motornom pilom
- Radno iskustvo nije potrebno

1.2. **Radnik u šumarstvu:** : pomaže motoristi u radu, priprema alat, vrši podguljivanje, keglovanje, čišćenje oko stabla, pomaže motoristi pri rušenju stabla, kreše grane i guli stablo i okreće trupce, cijepa i slaže sortimente, odgovoran je za uspostavljanje šumskog reda u šumi, vrši izradu štila za sjekire i capine, priprema, izvlači sajle i kači tovar za traktor, prati traktor i uklanja kamen i šumske drvene sortimente sa traktorskih vlaka koji

smetaju pri izvozu, prilikom rasipanja-izvlačenja tovara pri vuči ponovo priprema i kači isti, na stovarištu odkačuje (iskiva) tovar i uklanja (obara) sa vlaka na stovarište, stalno ide uz traktor i prati rad traktora, za vrijeme kraćih zastoja traktora priprema tovar za izvoz ili pomaže traktoristi ako je to potrebno pri opravkama, sipanju goriva i maziva i slično, prerezuje duže komade oblovine, vrši slaganje kao i utovar oblovine i cijepanih sortimenata i izgradnju privremenih utovarnih rampi, po potrebi lifra građu u šumi do mjesta odakle je prihvata zaprega ili traktor, po potrebi rukuje traktorom i izvozi oblovinu četinara i lišćara na stovarištu, vrši slaganje (meglanje) trupaca, primjenjuje propise zaštite na radu, odgovara za pravilnu upotrebu HTZ sredstava, obavlja i druge poslove po nalogu neposrednog rukovodioca.

Za obavljanje poslova ovog radnog mjesta osnovna plaća iznosi **719,51 KM**

**Posebni uslovi:**

- SSS/KV- III/PKV/NK
- Radno iskustvo nije potrebno

**1.3. Vozač zglobnog traktora – radnik u šumarstvu:** obavlja poslove primicanja, privlačenja i sortiranja drvnih sortimenata iz šume (od panja, šumskog i među stovarišta) do stovarišta na kamionskim putevima, prilikom izvoza sortimente izvozi po redu (napadu) a rase-izvučene sortimente povremeno kupi sa i oko izvozne vlake, vrši manje opravke i redovno održava traktor (čišćenje, pranje, podmazivanje, montiranje guma i kontrola ispravnosti), obavezno vodi dnevnik rada traktora i upisuje učinak, potrošnju goriva i maziva, rezervnih dijelova, sajli i sajlica u radni nalog koji mu poslovođa radilišta ili primač na stovarištu na kraju radnog dana ovjerava, brine se i odgovara za ispravnost, pravilno korištenje i održavanje traktora, pomaže mehaničaru pri većim opravkama, pomoćniku traktoriste i drugim vozačima zglobnih traktora kod formiranja ture ili otežanom kretanju po izvoznim vlakama, brine se o pravilnom korišćenju i održavanju izvoznih vlaka i manjih opravkama istih, odgovoran je za pravilnu upotrebu HTZ sredstava, u slučajevima zastoja (kvar traktora i sl.) dužim od dva dana obavlja poslove radnika u šumarstvu, obavlja i druge poslove po nalogu neposrednog rukovodioca.

Za obavljanje poslova ovog radnog mjesta osnovna plaća iznosi **802,53 KM**

**Posebni uslovi:**

- SSS/KV-III/PKV/NK-položen vozački ispit B kategorije, potvrda/uvjerenje o osposobljenosti upravljanja šumskim zglobnim traktorom
- Radno iskustvo nije potrebno

**2.1. Administrator – referent za obračun plaća:** vrši prijem stranaka i upućuje rukovodiocu poslovne jedinice, prima-šalje poštu poslovne jedinice, obavlja daktilografske poslove u poslovnoj jedinici, prikuplja podatke za sve zaposlenike na nivou poslovne jedinice vezano za obračun toplog obroka, koje obrađuje i dostavlja finansijsko-računovodstvenoj službi društva, vrši obustavu na plaće zaposlenika i iste verificira, vrši obračun poreza i doprinosa na plaće svih zaposlenika poslovne jedinice, vrši izradu izvještaja po zahtjevu nadležnih a koji su vezani za obračun plaća, poreza i doprinosa na plaće i iz plaća, naknada za topli obrok i drugih naknada uključujući i obradu i dostavu M4 obrazaca ( u saradnji sa referentima u poslovnoj jedinici i odjeljenju kadrovske službe) te statističke izvještaje, obavlja i druge poslove po nalogu rukovodioca poslovne jedinice.

Za obavljanje poslova ovog radnog mjesta osnovna plaća iznosi **857,88 KM**

**Posebni uslovi:**

- SSS -IV
- Najmanje 1 godina radnog iskustva

**3.1. Projektant u šumarstvu:** vrši doznaku stabala za sječu, na terenu radi projektovanje kompletne infrastrukture za izvođenje radova u šumarstvu, na osnovu prikupljenih podataka i elemenata predlaže najefikasniju tehnologiju za izvođenje radova u šumarstvu, radi projekte za izvođenje, njihove izmjene i dopune, vrši projektovanje šumskih komunikacija, kamionskih puteva, studij otvaranja područja po odredbama ŠGO, prati realizaciju projekata za izvođenje, predlaže mjere za otklanjanje propusta i nedostataka, obavezno učestvuje u konačnom

tehničkom pregledu odjela poslije završenih radova, obavlja i druge poslove iz djelokruga rada, a koje mu je dao u nadležnost vodeći projektant, obavlja i druge poslove po nalogu rukovodioca poslovne jedinice.

Za obavljanje poslova ovog radnog mjesta osnovna plaća iznosi **1.494,73 KM**

**Posebni uslovi:**

- VSS –VII/MA-300 ECTS- šumarski fakultet
- Najmanje 2 godine radnog iskustva u struci

**OPĆI USLOVI:**

1. Da je državljanin Bosne i Hercegovine
2. Da je stariji od 18 godina
3. Zdravstvena sposobnost za obavljanje poslova predviđenih za radno mjesto na koje kandidat bude izabran.

**DOKUMENTACIJA / DOKAZI KOJI SE DOSTAVLJAJU NA OGLAS:**

1. Prijava na oglas
2. Potvrda o prebivalištu CIPS (original ili ovjerena kopija)
3. Diploma o završenom obrazovanju (ovjerena kopija)
4. Potvrda o radnom iskustvu izdata od poslodavca ili uvjerenje nadležne Porezne uprave (original ili ovjerena kopija)
5. Ovjerena kopija vozačke dozvole za radno mjesto gdje je vozačka dozvola propisana kao poseban uslov

**Jednom prijavom se može konkurisati na više radnih mjesta (u prijavi precizno označiti radno mjesto i poslovnu jedinicu) .**

**NAPOMENE ZA KANDIDATE:**

Radni odnos se zasniva na određeno vrijeme do 60 dana, a najduže do 22.12.2021.godine. Za oglašena radna mjesta nije predviđen probni rad.

Kontakt osoba zadužena za davanje dodatnih obavještenja je Pilica Lejla, sekretar društva.

Prijava na javni oglas mora biti potpisana od podnosioca prijave, u suprotnom će se smatrati neurednom prijavom.

Nepotpune, neblagovremene i neuredne prijave, odnosno prijave kandidata koji uz prijavu na konkurs ne dostave traženu dokumentaciju, neće biti razmatrane.

**KRITERIJI ZA BODOVANJE:**

- Postupak izbora za kandidate za radna mjesta za koja je kao uslov propisano osnovno i srednje obrazovanje zasniva se na razmatranju dostavljene dokumentacije i održanom intervjuu sa svakim od kandidata koji će vršiti komisija koja ima za cilj da utvrdi personalne karakteristike i iskazane sposobnosti kandidata za obavljanje poslova konkretnog radnog mjesta. Kandidat će biti bodovan ocjenama od 1 do 5.
- Za radna mjesta za koja je kao uslov propisano više i visoko obrazovanje postupak izbora se zasniva na razmatranju dostavljene dokumentacije, te održanom pismenom i stručnom ispitu sa svakim kandidatom.
- Pismeni dio stručnog ispita kandidati polažu u vidu testa koji se sastoji od 15 pitanja i svaki tačan odgovor ocjenjuje se jednim bodom, a na usmenom stručnom ispitu kandidate ocjenjuje svaki član komisije dodjeljujući određen broj bodova najviše do 5 bodova.
- Samo kandidati koji su na pismenom stručnom ispitu ostvarili najmanje 10 tačnih odgovora mogu pristupiti usmenom stručnom ispitu.
- Konačna ocjena kandidata za radna mjesta za koja je kao uslov propisano osnovno i srednje obrazovanje čini zbir bodova datih od svakog člana komisije, a za radna mjesta za koja je kao uslov propisano više ili visoko obrazovanje konačnu ocjenu čini zbir bodova sa pismenog i usmenog dijela stručnog ispita.

## Literatura za polaganje pismenog i usmenog stručnog ispita:

### Radno mjesto : Projektant u šumarstvu

- Zakon o šumama (Službene novine Zeničko-dobojskog kantona 8/13)
- Pravilnik o načinu odabiranja, doznaci i sječi stabala ili površina za sječu (Službene novine Zeničko-dobojskog kantona broj: 13/13),
- Pravilnik o sadržaju i postupku izrade šumskogospodarskih osnova za državne i privatne šume (Službene novine Zeničko-dobojskog kantona broj: 13/13),
- Pravilnik o obimu mjera o uspostavljanju i održavanju šumskog reda i načina njihovog provođenja (Službene novine Zeničko-dobojskog kantona broj: 13/13).
- Pravilnik o načinu žigosanja, odbrojčavanja, premjeravanja, sadržaju i načinu izdavanja otpremnog iskaza za drvo (Službene novine Zeničko-dobojskog kantona broj: 13/13).

O vremenu i mjestu održavanja postupka izbora poslodavac će obavijestiti kandidate u pisanom obliku, putem obavijesti koja će biti dostavljena na adresu kandidata, kao i na e-mail adresu ukoliko je ista navedena u prijavi i to najmanje 5 dana prije održavanja ispita.

U postupku izbora kandidata poslodavac će isključivo komunicirati sa kandidatom pismenim putem. Kandidati koji budu izabrani dužni su u roku od 15 dana od dana zaprimanja obavještenja o njihovom izboru kao najboljem kandidatu, dostaviti ljekarsko uvjerenje o zdravstvenoj sposobnosti za obavljanje poslova predviđenih za radno mjesto na koje kandidat bude izabran.

Osnovna plaća je proizvod najniže neto plaće i koeficijenta složenosti poslova. Najniža neto plaća utvrđuje se u iznosu od 55% prosječne plaće isplaćene u Federaciji BiH prema posljednjim objavljenom podatku Federalnog zavoda za statistiku za prethodnu godinu za mjesečni fond od 176 sati te se koriguje za efektivni fond sati za tekući (obračunski) mjesec.

Prijave na oglas se mogu lično predati u Poslovnoj jedinici, a mogu se dostaviti i preporučenom poštom na adresu:

**Javno preduzeće**  
**“Šumsko-privredno društvo Zeničko-dobojskog kantona” d.o.o. Zavidovići,**  
**Ulica Alije Izetbegovića br. 25. Zavidovići,**  
**72220 Zavidovići**  
**(sa naznakom –NE OTVARAJ – PRIJAVA NA JAVNI OGLAS)**

Ovaj oglas će biti objavljen u dnevnom listu “Dnevni avaz” i putem web stranice preduzeća ([www.spdzdk.ba](http://www.spdzdk.ba)), kao i na web stranici osnivača – Zeničko-dobojski kanton ([www.zdk.ba](http://www.zdk.ba)). Oglas se dostavlja i u JU Služba za zapošljavanje Zeničko-dobojskog kantona najkasnije na dan objave u dnevnom listu, koja ga isti dan objavljuje na svojoj web stranici.

Prijava sa dokumentima traženim u tekstu oglasa dostavlja se u roku od 8 dana od dana njegove posljednje objave.

**DIREKTOR**  
**Jasmin Devedžić, dipl.pravnik**